

叢書集成續編

第一五一冊目錄

文學類



詩文別集——明

馮侍郎遺書八卷附錄三卷

蘭易上集

蘭易下集

蘭史一卷

簞溪自課一卷

讀書燈一卷

三山吟一卷

簞溪集二卷

附錄三卷

王侍郎遺著一卷附錄一卷

喻園集四卷

祇欠庵集八卷附錄一卷

中洲草堂遺書二十三卷首一卷末一卷

澹生詩鈔一卷文鈔一卷

四照堂文集十二卷詩集四卷附校勘記一卷校勘後記一卷

明 馮京第撰 四 明

宋 鹿亭翁撰、明 簞溪子校

一七

二四

二七

二九

四四

五八

八一

一〇三

二〇五

二六五

四三七

四六九

民 魏元曠撰

民 胡思敬撰

化碧錄一卷·····	明 曹大鎬撰	貴池先哲	六一九
懷葛堂集八卷外集附錄一卷附校勘續記一卷·····	明 梁份撰 民 胡思敬撰	豫 章	六二九

10/187M

馮侍郎遺書

四明張氏釣園開雕

序

秦虎狼也申包胥欲復楚往乞師依庭牆而哭日夜不絕秦伯哀之卒出師而楚以復壽鏞曰楚不爲秦滅者倖耳包胥之哭可功可罪者也當明清絕續之交在日未未覆幕以前覽永享國三十餘年母后承之其子復辟改元義明承平日久畏言兵革非有逞於中國也馮侍郎京第效申包胥故事往乞師撤斯瑪王聞長崎王之拒也曰中國喪亂我不能援而使其臣哭於吾境不亦恥乎議發各島罪人以應夫各島罪人豈足以救明

馮侍郎遺書

四明叢書
約園刊本

之亡而卒區區者不吾昇其幸我喪亂之心古今一也侯朝宗曰君子當寂寞荒涼之際情不自禁吾知侍郎之所處儻所謂情不自禁者乎雖然侍郎固血性男子也自其曾祖莊軒先生受業王文成之門講學以靜坐養心爲旨諸父都御史元颺兵部尙書元颺世稱大小馮者東林之巨子也侍郎內承諸父之教出則師事戴山漳浦二先生退與復社諸名士上下其議論節義講於平昔恢復矢諸惓忱中興十二論今雖未見其文而當日慷慨其詞直陳殿陛冰霜凜凜其氣象猶恍惚抱

之矣壽鏞曩取檀几叢書中簞溪自課讀書錄二書讀之已深識其爲人及觀族裔孟顓所編遺書復錄諸家所作事狀益見其志之大才之奇境之困遇之艱佗僚仰天拔劍斫案一隅山寨隻手支撐雖冒萬戮而無所怨者也嗚呼國不自立而乞鄰以拯之固忠臣義士無可如何之舉而豈其有濟哉民國二十二年九月後學張壽鏞序

馮侍郎遺書

四明叢書
約園刊本

馮侍郎遺書序

明兵部侍郎慈谿馮公輔監國守山砦嘗乞師日本不獲歸而爲建夷所醢其遺文不傳其墓在馬公橋歲久亦漸湮民國興其族孫貞羣以事之墓所得同時舉兵者董給事中墓求導者更蹤迹之而侍郎所葬在焉已又從諸書錄其遺文得蘭易蘭史鞠小正序及雜文三首詩如干首蓋未能幾什一也明之末孝安思文宅東南皆支一歲獨永曆帝保其巖阻延祚至十餘年監國魯王之棲翁洲視南京閩都益傾蕩矣然視前者猶少

馮侍郎遺書序

一四明叢書
約園刊本

久則曩有生之心而今期於必死也方侍郎東乞師也固逆計無必成理然明季數當爲是自建夷初叛勢裁如米粒黑子經略熊公已嘗欲結韃靼以掣之及永曆蒙塵於緬晉王又用暹羅之師侍郎所期亦猶是令三者一有就事之成敗未可知也然卒不獲其效以敗身亦與俱死致命遂志侍郎蓋與晉王同視經略之死於吏者爲得所矣國亡百餘年漢人喑噎無敢道其事者獨全紹衣數稱述之及乎諸夏廓清建夷革面距侍郎歿時幾三百載卒能得其筆著與其神之宅斯蓋皇漢

種族之靈所馮非一人之事也貞羣既集其文復錄諸家所作事狀以附於篇亂世之文以譎奇見志與承平異宜讀其書者不得以義法繩也民國十三年五月章炳麟序

馮侍郎遺書序

一四明叢書
約園刊本

馮侍郎遺書目次

敘錄

蘭易卷上

蘭易卷下

蘭史

簞溪自課

讀書燈

三山吟

簞溪集卷一

馮侍郎遺書 目次

一 四明叢書
約園刊本

簞溪集卷二

附錄卷一

傳記 遺事

附錄卷二

酬贈詩文

附錄卷三

簞溪府君著作存佚考

馮侍郎遺書敘錄

全祖望馮侍郎遺書序

馮侍郎簞溪集已不傳而其所爲蘭易二卷蘭史一卷
鞠小正一卷自課一卷眞至會約一卷先贈公書庫中
有之或曰侍郎中興十二論尙有存者而求之未得乃
鈔得姚江黃氏所作墓志吾鄉董戶部次公所作簞溪
始末皆并入焉蘭易以十二辟卦爲經故附之以十二
月令而又有十二翼爲傳託言受之鹿亭田父其言蘭
草今生大江以南者皆非屈騷所樹所紉然如漢高奮

馮侍郎遺書 敘錄

一 四明叢書
約園刊本

跡徒步系統三代天下所君則卽眞矣何僞之有必將
求所謂九畹十畝者而種之皆反古之僂民也其言之
憤而怪如此蘭史先之以九品之表有本紀有世家有
列傳有外紀有外傳以爲使非蘭而擬於蘭者隸於蘭
焉其言又與蘭易相反鞠小正託言陶公所著謂陶公
以秋九月爲正卽不奉宋正之微旨黃者魏統之色也
晉所受代子滅則思母故宋運當用魏德勝之抑鞠之
爲言窮也華事至此而窮則其言更誕而無徵嗚呼屈
宋之悲鬱亦嘗荒唐其詞以自抒寫而侍郎之寄意則

幾入於無何有之鄉而出之亦已過矣自課一卷國難
前所定讀書之程也真至會約一卷則其諸父都御史
所爲而侍郎定其約者也附以上吳尙書箋則己丑所
作也先贈公題其下曰此其晚年手定之稿及覆審別
本果稍異焉侍郎之被戮也黃氏墓志以爲別將王昇
來降請導軍以往侍郎以病不能行在灌頂山中昇竟
得之高氏雪交亭集亦同而云不久王昇亦伏誅獨董
氏所記謂出於麾下陳甲旣降復歸侍郎推心不疑遂
爲內應被執於仗錫之三官寺子參考舊聞則墓志是

馮侍郎遺書 敘錄

二 四明叢書
約園刊本

也嗚呼以侍郎之梗命聖朝不得不戮之以警多方而
要之亦諒其心故降將卒遭丁公之誅侍郎有知其亦
可以瞑目矣鄭後學全祖望序

劉城三山吟序

世不乏文人也文人而敦行植節卓然拔萃者十不得
一二爾有行節矣內蘊王霸之略外挺將相之姿真堪
救時濟物出爲世用者百不得一二爾逮吾友馮躋仲
始兼之矣躋仲所著作古文詩詞制舉業無不才奇學
正遙集千代獨步一時陳同甫所云文中龍虎也至其

秉道嫉邪淵渟嶽立蓋與其鄉之司空劉先生家之少
參太僕兩先生同車合軌兢兢乎廉恥禮讓之閑焉客
歲余與躋仲並在北都值胡入犯烽火達甘泉余憂默
無能吐一語躋仲口畫戰守兵食機宜指示勝敗得失
情形一如百戰宿將老謀祕算使用其言便可請纓磨
盾痛飲黃龍焉者惜當路莫能知也躋仲亦遂閉門不
通貴客謂余曰咄嗟此非布衣說劍時耳已遂與余後
先出都逐隊諸生試復淪落此爲躋仲命不蚤遇邪抑
斯人斯世未得遠平治也昔人有自擬管樂者有秀才

馮侍郎遺書 敘錄

三 四明叢書
約園刊本

時身任天下者今以視躋仲定復何如此寧獨一文人
與一節行之士而已哉三山吟爲秋試被放徜徉京口
時作躋仲笥珍輒矜慎不肯示人臘盡余遇之南都探
囊見詩音節氣體開元大曆而下無所受之以此稱文
人不遂當第一邪然其中欣慨交心古今紛會有歌有
泣可觀可興皆見之乎詩鐵甕城如斗大三山片石爾
經其歎詠卽似乍得一古人擁膝高嘯其間山川與爲
不朽者矣因強其付梓以便徧授躋仲有同里執友陸
文虎萬履安董天鑑劉瑞當黃太沖昆季皆躋仲所許

一輩人知予有言不爲阿好者也池陽社盟弟劉城伯
宗拜題於南都靈谷寺齋

柴夢楫三山吟後序

嗚呼此我邑馮忠隱公之詩也公生有異才於書無不
讀特慕古奇士非常之行年十三補邑博士弟子員試
輒高等二十五從其從父留仙先生備兵南都都人士
請爲選函雅兵餘二房墨家絃誦也又刻其所評隲史
漢二書嗣乃從撫軍天津值邊警公爲授略行間而兵
大捷者再從父爲疏其功賜之進士以臺省用公勿受

馮侍郎遺書 敘錄

四四明叢書
約園刊本

也面陳容臣就科甲試至再乃允其心豈榮一第而蔑
視臺省耶蓋其生平自負爾爾逮歸而玉步改矣遂南
走三山間歷十餘載終齋志以慘死悲夫此三山吟者
夫乃公流離道左跋涉山川說惶恐歎零丁爲血染楓
爲淚枯草之句乎使當時不允所請得假之兵事正未
可量豈僅以詩見哉今公亡而詩不亡讀其悲憤激烈
之詞則見若踏足長鯨冲碧海而飛舉天平也讀其軒
昂俊爽之詞則更若攜手玉簫躡危峰而吹徹月下也
至其憂思感慨愁怨徘徊則又如隴頭水之嗚咽秋夜

雨之淒其使人魂銷腸斷不忍竟讀不勝涕淚之浪浪
矣雖然不見公辭陞之後乎彼衣緋而佩魚者比比如
故卽擐甲而韃靼者亦比比如故公顧甘心斷乃頭而

不屈乃膝何耶夫少陵輞川特以從蜀之餘流連慷慨
情見乎詞人謂其忠不忘君若公固未邀抬遺右丞之
半級也其忠不更出王杜上哉楫之居遠公四十里年
後於公二十載不能親見公而幸讀公之詩壯公之志
惜公之才悲公之遇感公之忠而因以序公之詩嗚呼
詩不亡而公亦不亡彼星日之昭風雷之激金石之凝

馮侍郎遺書 敘錄

五四明叢書
約園刊本

者伊誰爲之耶我邑不乏忠義士如劉公而強城陷自
劉沈公其旋具衣冠請死卽布衣葉茂卿亦自沈於河
今日而有謝皋羽其人乎挾是詩登釣臺之畔折竹枝
擊巖石而一一歌之我知公必按長劍掀髯而來之三
尺頭上矣同邑後學柴夢楫謹題

王家振題三山吟

士挾其持危濟變之才不幸而不爲世用其光氣終不
可埋沒卒之斷脰剖心以馬革裹尸爲究竟此非天之
厄之乃所以成就之也予讀簞溪馮先生三山吟忠憤

之氣流溢行墨雖寥寥數十章生平志事略見於此使
得早假尺寸柄天下事未可量也而乃徒手空拳流離
山陬海澨間思挽崦嵫之景賈太傅之流涕申包胥之
痛哭一腔熱血不灑之白草黃沙不止論成敗抑未矣
其詩有池陽劉城伯宗同邑柴夢楫岸公先後二序述
其行誼頗悉迄今二百餘年騷人墨客憑弔今古未嘗
不以殺身成仁許之非天之成就而何谿上詩輯採詩
十二首末一首爲是編所無知簞溪詩固不盡於此劉
伯宗云三山吟乃秋試被放徜徉京口時作今他作不

馮侍郎遺書 敘錄

六 四明叢書
約園刊本

得見讀是編者宜其以璵璠珍之光緒二十年甲午縣

後學王家振題

續甬上耆舊詩

全祖望曰馮公少遊學於鄞董陸萬諸先生之襟襖也
及國難而後軍府亦在鄞之西山故列之寓公子嘗爲
公墓碑卽錄之不別立傳

谿上詩輯

尹元煒曰簞溪詩豪情壯志感慨激昂怪偉絕特奇變
迭出近體雄渾頓挫直摩浣花之壘爲吾邑詩人獨闢

門戶前此未之有也亦由其遭際時難矢志不回故感
憤之懷見於詩者如此

馮本懷曰簞溪奇特白衣雄放二公詩要爲吾邑有明
一代詩人冠冕非止爲一時後勁也簞谿間有流於僻
澀處而白衣悲壯淋漓之中時不免龐厲猛起之氣亦
由其時勢使然

馮侍郎遺書 敘錄

七 四明叢書
約園刊本

蘭易目錄

卷上

天根易

卷下

十二翼

蘭易目錄

一四明叢書
約園刊本

蘭易卷上

海寧蔣氏別下齋鈔校本

馮侍郎遺書一上

宋鹿亭翁著

明簞溪子較

天根易

夏易連山始於艮也殷易歸藏始於坤也周易太極始於乾坤也蘭易始於復故曰天根萬物本於根根本於天天根本於復天且有根而況於萬物乎況於蘭乎

三三復蘭十一月卦也天根大始蘭退藏於室元亨

蘭易卷上

一四明叢書
約園刊本

繫曰知用知藏易之道也藏蘭勿用又何咎也蘭然後可大可久也復者易之終始君子藝蘭以自考也

三三臨蘭十二月卦也納日自牖吉

繫曰日至自南向之有喜也自冬至於孟春澆可已也天煦土乾澆有之矣句以爲期微潤勿止也

三三泰蘭正月卦也陽道將長與蘭俱開

繫曰春日向陽乘時也時有餘寒復閉置也莫不仁於春雪葉之災也厥性好風宜高臺也臺高不過五

尺亢陽方來也向南倚北左林右野居之宜也

三三壯蘭二月卦也見風霽凶

繫曰霜雪既消出於中庭也庭廣多陽庭狹多陰必有方也蟲囓其葉不亦傷乎削竹爲箴除去殃也油帛以拭之法之良也灑用鱗羽之瀝亦可以滅形也東之從橫風之防也蛛網必除蜂埃必除除穢之象也

三三夫蘭三月卦也有風自西來吝

繫曰去寒就煖必位乎其所也灌水汲於河且貯雨

蘭 卷上

二一四明叢書
約園刊本

也豆麻皮鱗及毛羽也漬之爲肥三春之所用也灌則四注勿灑乎上也上灑之致葉黃也苦汁以滌之黃去而復常也

三三乾蘭四月卦也香升於天利見

繫曰水清濁有宜慎勿用井也三日爲期夏之正也灌必未明或日未升也再灌以暝黃是爲經程也

三三姤蘭五月卦也辟暑雨小有悔無咎

繫曰自夏徂秋恆避日也雨三日以往宜入室也雨往日來驟致下熱也傷根及葉乃大有害也肥以救

溼亟不敗也敗葉必翦自治也

三三遯蘭六月卦也陰伏於下不爲水困

繫曰六月維暑何可當也水亭涼架各於其方也華大盛則衰來茲窮也長兄去弟大有功也

三三否蘭七月卦也蠱去溼出利貞

繫曰秋陽維烈蔭之爲貴也歐蛭有術溺中甚快也其後用水未悖也

三三觀蘭八月卦也壅灌以時華落氣滋

繫曰熱則用水涼則用肥至於八月有事也花退澆

蘭 卷上

二一四明叢書
約園刊本

培自此始也焚牛之骨用其灰肥之尤也

三三剝蘭九月卦也分羣類族元吉

繫曰上畏隕霜下蟻食也投骨餌之類慕意也是月何晦分種亟也三歲之叢根可折也根老者芟少足惜也其種匱如以三爲節也徧中新外根各有合而相得也揜土欲浮不欲實也盆底竅之風氣不相塞也革履芒屨敝勿棄也燒土種之以爲鋪屑也

三三坤蘭十月卦也萬物終始藏於天根

繫曰陽月華胎灌宜肥也戒之爲分種後時也陰往

陽來氣含滋也藏于月窟復於天根是爲陰陽之樞機也

簞溪子曰蘭易一卷受之四明山中田父書端稱宋鹿亭翁著按郡縣志山有鹿亭今迷不知處無問作者姓氏矣要是宋代隱士易道盛於宋授受明而家學眾不意更有蘭易如此蘭於萬物一草也而書可謂易豈卽萬物各一太極之旨邪但其書都不言象數直說事理此固宋人之爲易也與其文擬易辭似善易者用韻亦然俗學鮮能通之所論種溉之法簡而盡近而不穢他

蘭易 卷上

四四明叢書
約園刊本

日入四明爲鹿亭接山林將絕之統稱異代弟子此書其顛門之業也抑今蘭草生江南楚越閩中者皆非屈騷之所樹所紉然天地開闢幾萬千年眞蘭旣微而此蘭晚生幽谷乘時爲帝氣味卓越始知世間有王者香正如漢高舊跡徒步系統三代腐儒呶呶猶爲蘭著眞僞之辨天下所君則卽眞矣何僞之有如人言甘者名菊苦者名蕙今菊爲時所尊貴者皆不必味甘有黃華也他若布有綿花可代表紵器有倚卓可代几席茶可爲飲棗可蒸酒毫爲筆煙爲墨魚網藤竹爲紙可代簡

漆書可代版鏤之類周孔以前豈曾知此耶凡後今之制勝於前者多矣必將求所謂九畹十畹而後種之皆反古之僂民耳夫屈公嘗不解有梅不閤梅以見遺騷經爲嫌也君子隨時育物愛養之道於蘭必盡心焉故有取乎此書

古易氏贊曰躋仲著論極言英雄與盜賊不同蓋方正統未定眞人未出時此自有王有霸不可與僭竊篡逆同條而論如遷史列項世家陳志鼎分三國魏文貞請爲李密立碑是也今人於此一切追書黜之

蘭易 卷上

五四四明叢書
約園刊本

爲僞朝不使英雄裂眼地下邪其論議動賊流俗如此然此正其是非不詭聖人處今復爲蘭草辨去一僞字略同此意抑蘭自此坐得正統矣

貞羣案清四庫存目云蘭易上卷附口訣二條蘭月令十二章不知誰作今觀其文淺薄不倫恐係他作羈入因佚之

蘭易卷上

馮侍郎遺書一上

蘭易卷下 海寧蔣氏別下齋鈔校本 馮侍郎遺書一下

明簞溪子輯

十二翼

養蘭之道備於天根易明者述之以時措之宜也然
蘭之性情德業有書言所不盡者竊嘗折衷百家之
說以衍其義凡爲傳十有二章是爲易翼

喜日而畏暑

蘭以冬春之日爲慈父母以夏秋之日爲暴王苛政故
冬月只宜置小室南窗下無風則開窗納日而盆宜標

蘭易 卷下

一四明叢書
約園刊本

記四向輪轉曬之來年花始四發蘭出庭中宜架木棚
上繡葦箔卷舒常使陰多於日夏秋炎陽宜謹覆蔭

喜風而畏寒

風有陰陽故有溫寒之異蘭常欲通氣以宜鬱除溼然
而冬春之風皆其所畏諺云藏遲出蚤枝葉不保藏蚤
出遲冬春有時十月盡收二月盡出雖避氣寒亦避風
寒也然南北當視地氣及節候爲之消息不可一例風
雪人知隄防而不知春風之害凜於冬風春雪之炎酷
於冬雪每見嶺南諸花來中土常以蚤出受春風而萎

春雪一點著葉即枯故斷自清明始可出也至辟寒之
方向日爲上策一法用蠟渣糝根旁不止祛寒且大補
益一法用鹿糞壅之取其最煖二法宜擇一用之圍以
草困覆以糠粃此下策矣夏秋受風畏搖折此須插竹
架束可焉

喜雨而畏潦

雨爲百花酒少則病渴過則病醒春月多雨蘭斯困矣
時方吐芽傷溼即有不秀之憂宜以人溺和水解之補
瀉兼用蘭之良藥也凡四時雨多即宜用溺解溼蓋溺

蘭易 卷下

二四明叢書
約園刊本

性燥能去根下積水耳雨三日以往爲霖驟則加苦覆
久則移入室中避之

喜潤而畏涇

養兒寧飢毋飽養蘭寧乾毋溼俗云若要小兒平安常
帶三分飢寒悟此可以養生可以格物保蘭經云蘭根
中多水可經半月立春後每十日以肥水一灑土上以
春宜壅也四五月間雨潤即不可復灌盛夏新秋雖天
時酷熱土內未燥不可傷於澆灌故夏月無雨亦以三
日爲節七月即視土燥而後澆不定限三日九月後旬

尤當慎灌恐一夜冰凍不可救也冬月驗視土潤卽不須水若燥則待天氣和暖晝日南窗以冷茶或洗面水雨水微灑之蘭以每夜受天露爲上澆水次之花時入室尤忌澆水惟不可久隔雨露五六月後卽宜移出澆肥水時盆底洩出落水匱中則汙濁宜於架上通作水路歸輪於一缸則又爲惜水法耳若砌臺安盆尤宜此法

喜乾而畏燥

灌法春月肥水十日一次夏月清水五日一次盛夏三

蘭易 卷下

三四明叢書 約圖刊本

日一次但覺莖葉枯瘠卽以肥水助長麻膚水爲佳秋八月時根葉失水漸見枯黃卽宜用大肥水

喜土而畏厚

閩人口訣云種蘭宜淺土深難展瓦礫墊半枝枝蕃衍蓋盆中半截實以碎瓦則土少下虛雨過卽乾不致傷溼根不下行花葉自茂一法用螭螺淨殼一法用水浮炭此較瓦礫皆更玲瓏也又當置一竹籤時時插入疏根使土常鬆適宜

喜肥而畏濁

養蘭之法全在鍊土土經煉過則助其肥煖空地濃糞澆其上仍以鬆土之□□一法梅糞又澆翻轉又曬待其乾極乾篩過調水作兩處俟冬至後隨盆大小酌尿淬之乃打碎破草鞵放廁中浸月許日所熱氣每種以十刀細剉碎鋪蘭根下以土□三分和勻藏於碎更覆土面防雨濺渣滓□取山上蕨根連市火燒屋土篩過極細用之乾草約三四層過於燥一取山上黃土煨過火氣易透煨後模槌碎篩過各一半和勻種糞澆入如此凡曰煨過之土宜和以溺用糞有火燒處水衝若人糞爲過熱總宜露中散泥煉如土法一可用也下雨則覆以草薦恐取出拌黃泥曬皆愈久愈佳隔年預製更妙之聽其日暴雨黑土最佳蘭驟移失性此土用園土七分打以陰氣助之則滋潤易長然其三分和用若不發至萎弱者有之大抵沙伏中用鬆土撒去其濁燥而亦可免於蟻蚓蓋之曬數日加雨後取城市溝壑中爛泥曬□碎爲灰置無餅再暴乾燒火煨紅取出以□加之一法用更用豬牛骨燒灰冷水淋□□水中汰淨以分之鍊土四分沙三分骨灰□用瓦甌打極陰室三月

蘭易 卷下

四四明叢書 約圖刊本

後方可我植一法口新荀或取城土取之曬乾打碎每層鋪以然屋有石灰恐發火煨之或以麤糠藉土使篩細及鑄鍋土鋤細用清糞和入曬乾再以之最易發生或數番乾收藏用一法取山上太肥糞宜用羊浮泥再尋蕨苗暴乾復以前共火氣穢氣方法收舊草屨浸尿桶中日久肥煖盡散耳此乾煖過擊碎鋪地用濃糞蓋一說山巖縫中淋雨三月後收起聽用一法積年流聚陰溼碎收乾羊糞或鵝糞加以沙失於收曬氣寒土堅硬再加沙入一法六月土之劑肥煖鬆細四義盡之離

蘭易 卷下

五

四明叢書 約園刊本

土入盆非肥無以補天氣離南來北非煖無以輔地氣鬆則通氣而利水使苗易以發細則疏溼而去寒使根得以培灌溉用諸肥水無純用肥理清水以雨水第一貯久綠色更佳池水河水次之不可用井水以性寒也惟冬月可用以此時井水煖耳然不必用之肥水只用人溺若人糞以水和之二分糞一分水宿則更佳或用燐雞治魚屠宰諸湯或以雞鵝等毛浸之或用皮屑浸水和以人溺半月後用之或麻膚或豆餅或生豆皆以浸水俟臭過用之或用豆末泡熱入罈亦俟臭過可用

此皆肥水可代糞者也盥浴等湯亦佳用肥節候十月一次十一月一次芽生五寸亦一次花開後一次初種時一次初發芽時慎不可用總之每月須肥視其根葉消息多者約二三次立夏後即止至秋冬復可用八九月花退泥薄宜加壅灌壅宜肥沙及用牛骨灰鋪壅一層最肥併絕蟻蚓之入或用麻膚拌肥土薄鋪一層亦最滋茂且除生蟲之患牛骨灰說見前喜肥論中要將水乘熱淋去火氣研細始用蘭宜牛骨灰其糞稻穀亦專用之此殆土性然也灌用前浸毛羽諸水或半

蘭易 卷下

六 四明叢書 約園刊本

糞半水凡用肥須於入暮盆冷沙土燥白時次早即必以清水解之使肥下根則發篋無蔓衍之患

喜樹蔭而畏塵

此蘭本名幽蘭故雖喜日煖亦喜樹蔭酷日暴雨狂風樹皆能為蘭禦之耳惟最畏塵埃及糠芒諸屑尋常淨掃地勿使近確磨若見飛塵當洗刷去之即水匱中水面亦不可積塵恐蟻偷渡也有蛛網亦須除去

喜煖氣而畏煙

冬月嚴寒室中不嫌有火氣但不可逼火及入地炕之